

Kela[®]



Pärniperruuh

Uánihávt já čielgâsávt | 2024

Lapsiperheet | Inarinsaame

Siskáldâs

Kela torjuuh pärniperrui	3
Pärni puátimin	6
Vaanhimijpeiviruudah peerâriijâi ääigist	8
Pärnitipšo torjuuh peerâriijâi maņa	16
Jis pärni puáccáá	21
Elettemtoorjâ	22
Uuccâm já máksim	24
Návt Kela palvâl	27

Kela torjuuh pärniperrui

Taan tiedettemčálusist muštâluvvo, ete maht Kela tuárju pärniperruid. Kela torjuu vievâst vaanhimeh pyehtiv lede parnijn tehálij vuossâmui mánuppoojij ääigi.

Čuávuváin siiđoin muštâluvvo tárhibeht, ete mon ruđálie torjuu Kela máksá pärniperrui eeni čuávjum ääigi já pärni šoddâm maņa.

Tiedettemčálusist muštâluvvo meiddei, ete maht Kela tuárju pärni tipšo já pärnist šaddee koloid.

Tiedettemčáállus loopâst láá tiäduh tast, ete maht pärniperruu torjuuh occojeh.

Tiedettemčáállus muštâl ive 2024 tiileest.



Lasetiäduh neetist já puhelimáin

Kela torjuin muštâluvvo anarâškielân čujottâsâst
www.kela.fi/anaraskiela

Pärniperrui torjuin muštâluvvo tárhibeht Kela suomâkielâlijn siiđoin
www.kela.fi/lapsiperheet



Jis tust láá koččâmušah, te tun puávtáh suáittid palvâlemnumerân
020 692 206

Kii puáhtá finnið pärniperruu torjuid?

Tun puávtáh finnið Kelast pärniperruu torjuid,
ko tun aasah Suomâst pisovávt.
Jis tun aasah Suomâst tuš váhá ääigi,
te tun jieh táválávt pyevti finnið Kela torjuid.
Motomin torjuid pyehtih finnið meid ulmuuh,
kiáh ääsih eres saajeest mutâ pargeh Suomâst.

Jis tun lah aassâm olgoenâmiijn teikâ lah varriimin
olgoenâmáid, te täärhist Kelast,
ete puávtáh-uv tun finnið Kela torjuid.
Varrim Suomâst meddâl tâi uánihub orroom olgoenâmiijn
puáhtá vaiguttið Kela mäksim torjuid.

Maid torjuid pärnipeerâ puáhtá finnið?

Kela torjuuh pärniperruid láá

- enijtoorjâ
- vaanhimijpeiviruudâh
 - čuávjumruttâ
 - sierânâsčuávjumruttâ
 - vaanhimijruttâ
 - ejijruttâ, jis pärni rekinstum äigi lâi ovdil4.9.2022
- pärnilase
- pärnitipšo torjuuh
 - päikkitipšomtoorjâ
 - njyebžilis tipšoruttâ
 - priivaat tipšo toorjâ
 - uásitipšoruttâ
- pyeccee já vádulii pärni torjuuh
- elettemtoorjâ.

Pärnipeerâ puáhtá finnið meid eres Kela torjuid

Täärhist meid, ete puávtáh-uv tun finnið
maidnii eres Kela mäksim torjuid.
Eres perrui lohtâseijee Kela torjuuh láá ovdâmerkkân
aassâm torjuuh, uáppee torjuuh,
viärjukenigâs torjuuh, pargottesvuotâtorvo
já puáccáámân lohtâseijee sajanmáávsuh.
Toh láá oovdânpuohtum jieijâs tiedettemčálusijn.



Pärni puátimin

Jis tunnui lii puátimin pärni,
te väälđi vistig ohtâvuodâ enijravviittâhân.
Ko čuávjum lii ovdánâm,
te tun puávtáh uuccâđ Kela torjuid, tego enijtorjuu.
Kelast finnee meid pärnilase, Kela-koortâ
já ereslágániđ torjuid pärni tiipšon.

Enijravviittâh palvâl čuávjum ulmuid já pärniperruid

Jis tun lah čuávjum, te väälđi ohtâvuodâ ravviittâhân.
Ravviittuvah láá pyereestvaijeemkuávlu palvâlus,
já toh láá nuuvtá.

Ravviittuvâst peerâ finnee ravvuid čuávjumääigi
já šoddâdem várás.
Toos lasseen ravviittuvâst čuávuh eeni já pärni tiervâsvuotâtile.

Enni kalga eelliđ ravviittuvâst tiervâsvuodâtäärhistmist
čuávjum aalgâst, majemustáá 18. čuávjumohhoost.
Ko tuu čuávjum lii pištâm ucemustáá 22 okkod (154 peivid),
te ravviittâh addel tunjin čuávjumtuodâštus.
Tun tarbâšah tom, ko tun uusah Kelast torjuu.

Enijtoorjâ ađai enijpakkeet teikkâ ruttâsumme

Tun puávtáh uuccâđ enijtorjuu,
ko čuávjum lii pištâm 5 mánuppaje.
Tun puávtáh valjiđ enijpakkeet tâi 170 eurod.
Enijpakettist láá tipšomtarbâšeh já pihtâseh pärni várás.
Tun puávtáh pivdeđ enijpakettân sâmikielâlii vuosâkirje Kelast.

Uusâ enijtorjuu majemustáá 2 mánuppaje ovdil rekinistum ääigi.

Pärnilase

Kela máksá jyehi päärnist pärnilase.
Pärnilase máksoo táválávt iánán,
iäčán tâi eres huolâtteijei.
Máksim juátkoo ton mánuppaje loopân,
kuás pärni tiävdá 17 ihheed.

Pärnilase máksoo paarnij mere mielđ:

- oovtâ päärnist suulân 95 eurod mánuppaajeest
- kyevti päärnist suulân 200 eurod mánuppaajeest
- kuulmâ päärnist suulân 334 eurod mánuppaajeest
- neelji päärnist suulân 557 eurod mánuppaajeest
- viidâ päärnist suulân 699 eurod mánuppaajeest.

Vuálá 3-ihásiijn paarnijn máksoo
stuárráb pärnilase 1.4.2024 rääjist.
Aledem lii 26 eurod mánuppaajeest.

Ohtuuhuolâtteijee finnee aledem,
mii lii jyehi päärnist suulân 73 eurod mánuppaajeest.

Pärnilasseest ij perruu viäru.

Mušte uuccâđ pärnilase.
Tun puávtáh uuccâđ pärnilase jo ovdil ko pärni šadda
tâi pärni šoddâm maņa.

Kela-korttâ

Ko pärni šadda Suomâst,
te tiätu tast mana pyecceiviäsust
aalmugregisterân já tast Kelan.
Pärni finnee persovntubdâlduv.

Ko pärni lii finnim noomâ, te Kela vuolgât pááikán
Kela-koortâ ađai pyecceetáhádâskoortâ.

Vaanhimijpeiviruudah peerâriijâi ääigist

Čuávjum vaanhim puáhtá pääccid ennirijân jo ovdil pärni šoddâm.

Pärni šoddâm maŋa kuohtuuh vaanhimeh pyehtiv lede parnijn päähist.


Kela máksá taan ääigist vaanhimijpeiviruudâid, mii tuurvâst perruu puáduid.



Peerâriijah já torjuuh

Kuás puáhtá finnid torjuid?

Vyellin leijee kovosist čáittoo, ete maid torjuid Kela máksá pärniperrui vuossâmuu pärni šoddâm ääigi já ko pärni šadda. Kovvoos pajuéasist lii pärni ahe. Stuálpuh čáittih, ete kuás Kela máksá mon-uv torjuu.



* Vaanhimeh pyehtiv finnid vaanhimijpeiviruudâid siämmáa ääigi enâmustáa 18 argâpeivid. Vaanhimijriijâ puáhtá toollâd sierâkukkosijn pooijjn toos räi, ko pärni tiävdá 2 ive. Rijjâ juáhhoo vaanhimij kooská. Rijjâ puáhtá toollâd oosijn já vuáruluvâi.

Čuávjumruttâ

Čuávjum vaanhim puáhtá pääccid čuávjumriijân tolemustáá 30 argâpeivid adai suulân 5 oho ovdil pärni rekinistum šoddâmäigi.

Čuávjumriijâst vaanhim finnee čuávjumruudâ. Tot máksoo 40 argâpeivid adai suulân 6,5 oho.

Tun puávtáh uuccâđ čuávjumruudâ, ko čuávjum lii pištám 154 peivid adai 22 okkod. Tun finnih ravviittuvâst čuávjumtuodâštus, mon tun tarbâšah ucâmuš lahtosin. Kela máksá čuávjumruudâ maajeeldkietân enâmustáá 2 mánuppaje ääigist. Tun puávtáh uuccâđ siämmáin ucâmuššáin meid vaanhimijruudâ.

Täärhist pargoadeleijestâd ovdil uuccâm, ete finnih-uv čuávjumriijâ ääigi päälhi.

Mušte almottid pargoadeleijei čuávjumriijâst majemustáá 2 mánuppaje ovdil riijâ algâtem.

Sierânâsčuávjumruttâ

Jis tun painâšuuh pargostâd suonjârdmân, kemikaalaid tâi njuámmoo taavdân, te tun puávtáh pääccid pargoost meddâl tállân, ko čuávjum lii kavnâttum. Tágárijn tilálâšvuodâin tun finnih sierânâsčuávjumruudâ.

Pärni šoddâm maŋa čuávjumriijâ juátkoo suulân 1–2 oho. lánán máksoo taan ääigist čuávjumruudâ.

Vaanhimijruttâ

Tun puávtáh algâttid vaanhimijriijâ, ko pärni lii šoddâm. Vaanhimijriijân puáhtá pääccid nubbe tâi nubbe vaanhim. Suái pyehtiv lede riijâst meid vuáruluvâi.

Vaanhimijriijâ pištá 320 argâpeivid adai suullân 14 mánuppaijeed. Kuohtuin vaanhimijn lii vaanhimijriijâ peeivijn peeli adai 160 peivid. Vaanhim puáhtá luovâttid nube vaanhimân 0–63 peivid adai enâmustáá 10,5 okkod.

Kela máksá vaanhimijriijâ ääigist vaanhimijruudâ. Vaanhimijriijâ puáhtá toollâđ sierâkukkosijn oosijn toos räi, ko pärni tiävdá 2 ive. Soovâ kuittâg jieijâd pargoadeleijein vaanhimijriijâst. Täärhist pargoadeleijestâd ovdil uuccâm, ete finnih-uv čuávjumriijâ ääigi päälhi. Jis tun finnih vaanhimijriijâ ääigist päälhi, te Kela máksá torjuu tuu pargoadeleijei.

Jis peerâ finnee jyemeháid, te Kela máksá vaanhimijruudâ 84 argâpeivid adai suullân 14 okkod eenâb.

Jis vaanhim huolât pärnist ohtuu, te sun puáhtá toollâđ puoh 320 argâpeivid já sun puáhtá lede kuhheeb ääigi vaanhimijriijâst. Sun puáhtá luovâttid nube pärni tipšoo ulmui enâmustáá 126 vaanhimijruttâpeivid. Taat váátá, ete pärnist ij lah visásmittum nube vaanhim tâi eenist pelikyeimi, kii puávtáččij finnid vaanhimijruudâ.

Uusâ vaanhimijruudâ ääigild.
Kela máksá vaanhimijruudâ maajeeldkietân
enâmustáá 2 mânuppaje ääigist.

Uusâ vaanhimijruudâ meid ton paajeest,
mast tuu pargoadeleijee máksá tunjin päälhi.

Uásivaanhimijruttâ

Jis tun tiipšoh pärni uási peeivist já poorgah uásiäigipargo,
te tun puávtáh finnid uásivaanhimijruudâ.
Uásivaanhimijruudâ lii peeli oles vaanhimijruudâst.

Tun puávtáh finnid uásivaanhimijruudâ,
jis tun poorgah enâmustáá 5 tiijme peeivist.
Ko tun lah uásivaanhimijriijâst oovtâ peeivi,
te tust kulá peeli vaanhimijpeiviruttâpeeivist.

Toorjâ adoptiovaanhimáid

Kela tuárju adoptiopäärni vaanhimijd masa siämmáánáál
ko biologilijd vaanhimijd.

Adoptiovaanhimeh iä pyevti finnid enijruudâ,
mutâ sij finnejeh vaanhimijruudâ 320 argâpeivid.
Vaanhimijruttâ máksoo ton peeivi rääjist,
ko tun finnih adoptiopäärni tuu tiipšon.

Jis adoptistáh pärni olgoenâmijn,
te tun puávtáh uuccâđ Kelast torjuu adoptio koloid.

Ejijruttâ

Taat sijdo kuáská tuu perrui, jis

- rekinistum šoddâdemäigi lâi ovdil 4.9.2022
- lepped váldám adoptiopäärni tiipšon 30.7.2022
tâi tade ovdil.

Jis pärni šoodâi tâi adoptiopärni valdui tiipšon mañeláá,
te pärni nubbe vaanhim puáhtá finnid vaanhimijruudâ.

Luvvá vaanhimijruudâst siijđost 11.

Eeči puáhtá toollâđ ejijriijâ
54 argâpeivid adai suulân 9 okkod.
Kela máksá ejijriijâ ääigist ejijruudâ.

Eeči puáhtá lede ejijriijâst 1–18 argâpeivid
adai enâmustáá 3 oho pääihist ennijn siämmáá ääigi.
Tun puávtáh toollâđ taam uási ejijriijâst oovtâ paajeest
tâi jyehid tom enâmustáá neelji pajan.

Jis tun lah jo toollâm 18 argâpeivid riijâ,
te tun puávtáh vala toollâđ 36 argâpeivid.
Tun puávtáh toollâđ taid ton maņa,
ko vaanhimijruudâ finnim lii nuuhâm.

Tun puávtáh toollâđ riijâ oovtâ tâi kyevti paajeest.
Jis tun jieh lah vala toollâm ollágin riijâ,
te tun puávtáh toollâđ ohtân puoh 54 argâpeivid riijâ.

Jis peerâ finnee jyemeháid,
te Kela máksá ejijruudâ 18 argâpeivid lase.
Tun puávtáh toollâđ taid peeivijd ennijn siämmáá ääigi
teikâ ton maņa ko vaanhimijruttâ lii nuuhâm.

Toolâ ejijriijâ ovdil ko pärni lii 2 ive.
Tun puávtáh uuccâđ ejijruudâ maajeeldkietân.
Uusâ ejijruudâ kuittâg
ovdil ko pärni lii tiävdám 2 ive já 2 mánuppaje.

Almoot pargoadeleijeij ejijriijâst
2 mánuppaje ovdil ko rijjâ álgá.
Jis tuu rijjâ pištá 1–12 argâpeivid,
te pijssáá, ete almottah tast mánuppaje muuneeld.
Tun puávtáh uuccâđ ejijruuda meid,
jis lah ovdâmerkkân irätteijee, pargottes olmooš tâi uáppee.

Mon ennuv torjuu finnee?

Vaanhimijruudâ meeri rekinistoo ihepuáđui mielđ.
Ihepuáđuin uáivild tuu puáđuid 12 mánuppaje äägist.

Jis tun puávtáh finniđ torjuu ovdâmerkkân vyesimáánu 2024
rääjist, te Kela rekinist torjuu mere tai puáđui mielđi,
maid tun lah finnim 1.4.2023–31.3.2024.

Toorjâ lii ain ucceeb ko päلكki.
Táválávt tot lii suulân 70 prosentid puáđuin.

Torjui vaaigut meid tot, jis tun lah jottáám uápuid
tâi lamaš pyeccen tâi pargotteemmin.
Ucemus toorjâ lii suulân 31,99 eurod peeivist
ađai suulân 800 eurod mánuppaajeest.
Ovdâmerkkân uáppee finnee taan verd torjuu.

Vaanhimijpeiviruudâin mana viäru.

Pargei čoggâšuvá iäláttâh já iheluámu,
ko sun lii vaanhimijriijâst.

Jis tun finnih vaanhimijriijâ äägist päalhi,
te Kela máksá torjuu tuu pargoadeleijeij.



Pärnitipšo torjuuh vaanhimijriijâ maŋa

Vaanhimijriijâ maŋa
tâi vaanhimijruttâpoojij kooskâst tun puávtáh

- finniđ päikkitipšotorjuu,
jis pärni ij uásálist kieldâ arâšoddâdmân
- finniđ päikkitipšo tâi priivaat tipšo torjuu,
jis pärni uásálist priivaat arâšoddâdmân.

Tun puávtáh meid finniđ njebžilis tipšoruudâ,
jis tun poogah enâmustáá 30 tijmed ohhoost
iäge tunjin maksuu vaanhimijpeiviruudah.
Pärnitipšo torjuuh iä maksuu vuálá mánuppaje ääigist.

Päikkitipšotoorjâ

Päikkitipšotorjuu puáhtá uuccâđ,
jis vuálá 3-ihásii pärni tipšoh eres ko kieldâ arâšoddâdmist,
ovdâmerkkân päihist.
Tipšoo puáhtá leđe pärni vaanhim tâi kiinii eres,
ovdâmerkkân ákku tâi äijih tâi pálkkááttum tipšoo.

Tun puávtáh finniđ päikkitipšotorjuu,
ko pärni šoddâmist láá moonnâm 160 argâpeivid.
Talle pärni lii suulân 6 mánuppaje ihásâš.

Päikkitipšotorjuu ij pyevti finniđ,
jis pärni lii kieldâ arâšoddâdmist.
Päikkitipšotorjuu kuleh tipšoruttâ já tipšolase.
Ton lasseen tuu päikkikielâ puáhtá mäksid kieldâlase.

Tipšoruttâ lii

- suulân 378 eurod mánuppajeest oovtâ vuálá 3-ihásiist
- suulân 113 eurod mánuppajeest perruu jyehi eres
vuálá 3-ihásii pärnist
- suulân 73 eurod mánuppajeest jyehi paijeel 3-ihásii
mutâ vuálá škovlâahasii pärnist.

Tipšolase finnee tuše oovtâ pärnist,
já tot lii enâmustáá suulân 202 eurod mánuppajeest.
Tipšolase meeri meriduvvoo vaanhimij puáđui miel.

Motomeh kieldah mäksih päikkitipšotorjuu lasseen kieldâlase.
Koiŋad päikkikielâstâđ tâi Kelast,
ete finniih-uv tun kieldâlase.

Päikkitipšotorjust piärroo viäru.

Priivaat tipšo toorjâ

Tun puávtáh finniđ priivaat tipšo torjuu,
jis tuu pärni tipšo pálkkááttum tipšoo
tâi priivaat arâšoddâdemsaje.
Priivaat tipšo torjuu puáhtá finniđ,
jis pärni lii tiävdám 9 mánuppaijeed,
mutâ lii vuálá škovlâahasâš.
Torjuu ij pyevti finniđ,
jis pärni lii kieldâ arâšoddâdmist.
Priivaat tipšo torjuu kuleh tipšoruttâ já tipšolase.
Ton lasseen tuu päikkikielâ puáhtá mäksid kieldâlase.

Tipšoruttâ lii suulân 192 eurod mánuppaajeest.
Jis pärni lii ovdámáttááttâsavveest
já uásiáigásávt arâšoddâdmist,
te tipšoruttâ lii suullân 71 eurod mánuppaajeest.

Tipšoruudâ lasseen tun puávtáh finniđ tipšolase.
Tot lii enâmustáá 266 eurod mánuppaajeest.
Tipšolase meeri meriduvvo puáđui miel.
Jis tun finnih ucceeb tipšoruudâ,
te meid tipšolase lii ucceeb.

Kela máksá priivaat tipšo torjuu
pálkkááttum tipšoi tâi arâšoddâdemsajan.

Priivaat tipšomtorjust piärruo viäru.

Njyebžilis tipšoruttâ

Tun puávtáh finniđ njyebžilis tipšoruudâ,
jis tun poorgah enâmustáá 30 tijmed ohhoost
já tipšoh eres ääigi tuu päärni.
Kela máksá njyebžilis tipšoruudâ
vuálá 3-ihásii päärnist.

Njyebžilis tipšoruudâ puáhtá máksiđ kuohtuid vaanhimáid.
Talle kuábáš-uv vaanhim kalga porgâđ
uánihub pargoääigi ko táválávt.
Suái kolgâv tipšod päärni sierâ ääigi tâi sierâ peeivi.

Njyebžilis tipšoruttâ máksoo pargoääigi miel.
Tipšoruttâ puáhtá leđe jo-uv
suullân 269 eurod mánuppaajeest
tâi suulân 179 eurod mánuppaajeest tade miel,
mon ennuv tun koskâmiärálávt poorgah oho ääigi.

Kela máksá njyebžilis tipšoruudâ siämmáá vaanhimân
tuš oovtâ päärnist häävild.

Njyebžilis tipšoruudâst piärruo viäru.

Uásitipšoruttâ

Tun puávtáh finniđ uásitipšoruudâ,
ko tun poorgah enâmustáá 30 tijmed ohhoost
päärni tipšom tiet.
Kela máksá uásitipšoruudâ škoovlâst
1. já 2. luokkaast leijee päärnist.
Uásitipšoruttâ lii suulân 108 eurod mánuppaajeest.
Tast piärruo viäru.

Kela máksá uásitipšoruudâ siämmáá vaanhimân
häävild tuš oovtâ päärnist.

Siämmáá vaanhimân ij pyevti máksiđ siämmáá ääigi
uásitipšoruudâ já njyebžilis tipšoruudâ.



Jis pärni puáccáá

Jis tuu pärni puáccáá,
te tun puávtáh tuálvud suu tiervâsvuotâkuávdázân
tâi priivaat tuáhtárân.

Kela máksá uási priivaat tuáhtár máávsuin.
Toos lasseen Kela sajanmáksá uási talkkâsij haddeest.
Kela ij sajanmäävsi tipšom tiervâsvuotâkuávdáást.

Koskâpuddâsâš tipšorijjâ

Jis vuálá 10-ihásâš pärni puáccáá kivkked
ovdâmerkkân leencun,
te tun puávtáh pääccid meddâl pargoost tipšod suu.
Tot kočoduvvoo koskâpuddâsâš tipšorijjân.

Koskâpuddâsâš tipšorijjâ lii 4 peeivi.
Stuárráamus uási pargoadeleijein máksih päälhi
koskâpuddâsii tipšorijjâ ääigist.
Kela ij määvsi torjuid taan ääigist.

Vaigâdávť pyeccee já vâdulii päärni tipšom

Kela tuárju vaigâdávť pyeccee tâi vâdulii päärni tipšom.

Kela torjuuh já palvâlusah láá

- sierânâstipšoruttâ vaanhimân,
kote tipšo vuálá 16-ihásii päärni
- vuálá 16-ihásii vâdulijtorjâ
- vátávâš tálhudemvajoditem.

Tain aašijn muštâluvoo čuávuváin tiedettemčâlusijn:

- Puocâm já vâdulijtorjuuh
- Vajoditem.

Elettemtoorjâ

Jis vaanhimeh iäránává,
te päärnih pääcih távjá nube vaanhimân.
Talle tot vaanhim, kiän lunne pärni ij aasâ,
máksá elettemiše vaanhimân,
kiän lunne pärni áásá.
Vaanhim, kiän lunne pärni ij aasâ,
kočoduvvoo elettemkenigâssân.

Motomin elettemkenigâs ij määvsi elettemiše
tâi elettemkenigâs vaanhim ij lah.
Talle Kela puáhtá máksiđ elettemtorjuu ton vaanhimân,
kiän lunne pärni áásá.

Kela máksá elettemtorjuu, jis

- elettemkenigâs vaanhim ij lah máksám elettemiše
- elettemiše lii elettemkenigâs ekonomâlii tile tiet ucceeb ko elettemtoorjâ
- päärni adoptist tuše ohtâ vaanhim
- päärnist ij lah visásmittum eeči
- päärnist lii visásmittum eeči, mutâ elettemiše ij lah puáhtám visásmittid.

Elettemtoorjâ lii päärni kuáttá suulân 196 eurod mánuppajeest.
Elettemtorjust ij perruu viäru.

Tiäduh elettemkenigâsân

Jis Kela máksá elettemtorjuu, te tot piärá
elettemkenigâsâst mävsihánnáá pááccám elettemiisijđ.
Toh kočoduvvojeh elettemiševelgin.

Jis tun jieh pyevti tuu ruttâtile tiet máksiđ elettemiševeelgi Kelan,
te tun puávtáh uuccâđ máksimist luovâsmittem Kelast.



Uuccâm já máksim

Uusâ puoh pärniperrui torjuid neetist:

www.kela.fi/neetist

Täärhist ucâmušâst,
ete moh lahtoseh tast kalgeh lede.
Meiddei lahtosijd puáhtá toimâttid neetist.

Tun puávtáh uuccâđ torjuu meid luámáttuvvâin,
mon tun finnih Kela toimâttuvvâin já nettisijđoin:

www.kela.fi/luamattuvah

Kela postâčujottâs lii

Kela

PL 10

00056 KELA

Tun puávtáh tipšod masa puoh Kela-ašijđâđ meiddei
puhelin peht.

Ko Kela lii kiedâvuššâm tuu ucâmuš,
te tun finnih pááikán miärádâs.
Miärádâsâst muštâluvvojuh torjuu meeri,
vuáđustâsah já máksupeivi.
Tun finnih miärádâs meid talle,
jis tunjin ij lah miedettum toorjâ.

Kela máksá torjuid tuu tilin.

Pärnilase puátá tilin táválávt mánuppaje 26. peeivi.
Jis paanġkih láá talle kiddâ tâi
jis máksimpeivi lii pasepeeivi maņa,
pärnilase puátá tilin jo ovdil.

Almoot, jis tuu tile muttoo

Jis tuu eellim muttoo, te tot puáhtá vaiguttid Kela torjuid.
Muttum puáhtá kuoskâđ ovdâmerkkân asâmân, puáđoid,
porgâmân tâi perrui.

Mušte almottid nubástusâin Kelan.
Tun puávtáh toohâđ tom neetist, puhelimist tâi toimâttuvvâst.

Tuu ovdâsvástádâs lii visásmittid jieijâđ peeleast,
ete Kelast láá rievttis tiäđuh.
Talle toorjâ máksoo tunjin olmâ stuárusâžžân.

Jis miärádâsâst lii feilâ

Jis Kela miärádâsâst lii tuu mielâst feilâ,
te tun puávtáh uuccâđ miärádâsân nubástus.

Tun finnih miärádâsreeivâ miel ravvuud tast,
ete maht nubástusoccoo.

Jis tust láá koččâmušah,
te väälđi ohtâvuodâ vistig Kelan.



Neetist tun puávtáh

- uuccâđ torjuid
- vuolgâttid lahtosijd
- tärhistid ucâmušâđ tile
- vuolgâttid viestâid
- almottid nubástusâin
- lopâttid torjuu.

Kela anarâškielân

Anarâškielâliih nettisiiđoh:
www.kela.fi/anaraskiela

Anarâškielâliih tiedettemčáluseh:

Almos aassâmtoorjâ

Áigápuátutoorjâ

läláttuvah já eres iäláttuvfinnejeijee torjuuh

Olgoenâmijn Suomân tâi Suomâst olgoenâmáid

Pargottesvuotâ

Puoccâm já vâdulijtorjuuh

■ **Pärniperruuh**

Uáppeeh já viärjukenigâsah

Vajodittem

Anarâškielâlijd tiedettemčálusijd
puáhtá printtid neetist:
www.kela.fi/tiedettemcaluseh